



1.07- Fryma e Shenjtë – Personi i tretë i Hyjnisë

(1.07 - The Holy Spirit - The 3rd Person of The Godhead)

(Shkrimet nga ALBB)

Gal 5:16-18 (Të ecësh në Frymë)

¹⁶ Dhe unë them: Ecni sipas Frymës dhe nuk do t'i përmbushni dëshirat e mishit, ¹⁷ sepse mishi ka dëshira kundër Frymës, dhe Fryma ka dëshira kundër mishit; dhe këto janë të kundërta me njëra-tjetrën, që ju të mos bëni ato që dëshironi. ¹⁸ Por në qoftë se udhëhiqeni nga Fryma, ju nuk jeni nën ligj.

- **Të ecësh në Frymë** – rrënja e kësaj fjale do të thotë në harmoni me dikë ose të lidhur me dikë, të kesh bashkësi me dikë.
- **Fryma e Shenjtë** nuk është avull, Ai është një person në të vërtetë!

1. Ai është një Frymë, por Ai është edhe një person

- **Ai ka një mendje të tijën** – thotë Pali;

Rom. 8:27

²⁷ Dhe ai që **heton** zemrat e di cila është mendja e Frymës, sepse ai ndërhyr për shenjtorët, sipas Perëndisë.

- Mendja e Frymës së Shenjtë është e ndarë nga ajo e Atit.

2. Ai ka gjithashtu edhe emocione

- **Ai ka ndjenja të thella që bën që Ai të trishtohet.**

Efes. 4:30

³⁰ Dhe mos **e trishtoni** Frymën e Shenjtë të Perëndisë, me të cilin u vulosët për ditën e shpengimit.

- **Ai mund të dojë – (sepse Perëndia është dashuri)**

Rom. 15:30

³⁰ Dhe ju bëj thirrje, o vëllezër, për Zotin tonë Jezu Krisht dhe **për dashurinë e Frymës**, të luftoni bashkë me mua në lutje te Perëndia për mua,

3. Ai ka vullnetin e Tij për të marrë vendime

- **Por gjithmonë në harmoni me Atin dhe Birin.**

1 Kor. 12:4-11 – (Dhuntitë frymërore: unitet në diversitet)

¹ Ka larmi dhuntish, por i njëjti Frymë. ⁵ Ka edhe larmi shërbimesh, por i njëjti Zot. ⁶ Dhe ka larmi veprimtarish **por është i njëjti Perëndi i cili i bën të gjitha gjërat në të gjithë.** ⁷ Dhe secilit i jepet shfaqja e Frymës për dobinë e përbashkët. ⁸ Dikujt, pra, i jepet, me anë të Frymës, fjalë diturie; një tjetri, sipas të po atij Frymë, fjalë njohurie; ⁹ një tjetri besim, nga po ai Frymë; një tjetri dhuntitë e shërimeve, nëpërmjet po atij Frymë; një tjetri pushtet për të kryer veprime të fuqishme; një tjetri profeci; një tjetri të dallojë frymërat; ¹⁰ një tjetri larmi gjuhësh; një tjetri interpretimi i gjuhëve. ¹¹ Dhe të gjitha këto i bën **i njëjti dhe i vetmi Frymë, duke i ndarë gjithsecilit dhunti veç e veç ashtu si do vetë.**



1.07- Fryma e Shenjtë – Personi i tretë i Hyjnisë

4. Ai mund të dëgjojë dhe të flasë

Gjon. 16:13 (Jezusi po flet)

¹³ Por, kur të vijë ai, Fryma e së vërtetës, ai do t'ju prijë në çdo të vërtetë, **sepse ai nuk do të flasë nga vetja, por do të thotë gjitha ato gjëra që ka dëgjuar dhe do t'ju kumtojë gjërat që do vijnë.**

5. Ai mund të shohë

- Edhe pse nuk ka sy si ne.

1 Kor. 2:10

¹⁰ Po Perëndia na i ka zbuluar me anë të Frymës së tij, **sepse Fryma heton çdo gjë, edhe të thellat e Perëndisë.**

- Bibla nuk na thotë se si duket Ai, por na thotë që Ai mund të marrë formën e atyre që zgjedh dhe në Bibël është i paraqitur me simbole; ujë, zjarr, vaj, erë, pëllumb, re

6. Ai jeton në ty në rast se je i rilindur

1 Kor. 3:16-17

¹⁶ A nuk e dini ju se jeni tempulli i Perëndisë dhe **se Fryma e Perëndisë banon (jeton) në ju?** ¹⁷ Në qoftë se dikush e prish tempullin e Perëndisë, Perëndia do ta prishë atë, sepse tempulli i Perëndisë, **i cili jeni ju, është i shenjtë.**

7. Personi i Frymës së Shenjtë

Ai është i barabartë me Atin dhe Birin.

7.1. – Ai është i kudondodhur

- Ai mund të jetë në të gjitha vendet në të njëjtën kohë.

Psalmi 139:7-10

⁷ Ku do të mund të shkoja larg Frymës sate, ose ku do të mund të ikja larg pranisë sate? ⁸ Në rast se ngjitem në qiell, **ti je atje;** në rast se shtrij shtratin tim në Sheol, **ti je edhe aty.** ⁹ Në rast se marr krahët e agimit dhe shkoj të banoj në skajin e detit, ¹⁰ edhe aty dora jote do të më udhëheqë dhe dora jote e djathtë do të më kapë.

7.2. – Ai është i plotfuqishëm

- Plot pushtet.

Luka 1:35

³⁵ Dhe engjëlli duke u përgjigjur, i tha: “Fryma e Shenjtë do të vijë mbi ty dhe **pushteti i Shumë të Lartit** do të të mbulojë me hijen e vet; prandaj i shenjti që do të lindë prej teje do të quhet Bir i Perëndisë.

7.3. – Ai është i gjithëdijshëm

- Di çdo gjë.

1 Kor. 2:9-11

⁹ Por, sikurse është shkruar: “Ato gjëra që syri nuk i ka parë dhe veshi nuk i ka dëgjuar dhe nuk kanë hyrë në zemër të njeriut, janë ato që Perëndia ka përgatitur për ata që e duan atë”. ¹⁰ Po Perëndia na i ka zbuluar me anë të Frymës së tij, sepse Fryma heton çdo gjë, edhe të thellat e Perëndisë. ¹¹ Sepse cili nga njerëzit, pra, njeh gjërat e njeriut, përveç se fryma e njeriut që është në të? **Po kështu asnjëri s’i njeh gjërat e Perëndisë, përveç Fryma e Perëndisë.**

- Satani është një frymë dhe ai nuk është i gjithëdijshëm dhe **ai nuk mund të lexojë mendjen tënde, por ai mund të dëgjojë fjalët e tua.**



1.07- Fryma e Shenjtë – Personi i tretë i Hyjnisë

7.4. – A duhet të adhurohet Ai?

- Nëse Ai është i barabartë dhe pjesë e Hyjnisë, atëherë Ai **duhet të adhurohet** ashtu siç adhurojmë Atin dhe Birin!
- Ai është i denjë për këtë!

7.5. – Atë mund ta kundërshtosh

- Stefani duke i folur sinedrit

Vep. 7:51

⁵¹ O njerëz qafëfortë dhe me zemër e veshë të parrethprerë, ju gjithnjë e kundërshtoni Frymën e Shenjtë; ashtu siç bënin etërit tuaj, ashtu bëni edhe ju.

7.6. – Ai mund të trishtohet

- Mund të ndjejë trishtim të madh dhe dhimbje të thellë.

Efes. 4:30

³⁰ Dhe mos e trishtoni Frymën e Shenjtë të Perëndisë, me të cilin u vulosët për ditën e shpengimit.

7.7. – Ai mund të shuhet

- Atë mund ta përzesh.

1 Thes. 5:16-19

¹⁶ Jini gjithmonë të gëzuar. ¹⁷ Lutuni pa pushim. ¹⁸ Për çdo gjë falënderoni sepse i tillë është vullneti i Perëndisë në Krishtin Jezus për ju. ¹⁹ **Mos e shuani Frymën.**

7.8. – Ti dhe Fryma e Shenjtë

- Ai reagon ndaj dëshirave të tua dhe nëse i thua të heshtë, Ai do ta bëjë, por ti rrezikon ta trishtosh Atë.
- Ai nuk të lufton, por të do. Në rast se ti i reziston, Ai thjesht do ikë nga prania jote me një zemër të lënduar.
- Në rast se Ai është i trishtuar, Ai do të tërhiqet butësisht.
- Në rast se e shuan, Ai do të ikë qetësisht.

8. Jeta e besimtarit e mbushur me Frymën

Cilat janë shenjat e jashtme të një besimtari të mbushur me Frymën e Shenjtë?

8.1 – Manifestimi i parë

- Mënyra e të folurit e personit do të jetë ndryshe, jo si mënyra e të folurit e botës; jo e folur me frikë, dyshim, mosbesim dhe pashpresë.

Efes. 5:19

¹⁹ duke i folur njeri tjetrit me psalme, himne dhe këngë frymërore, duke kënduar dhe duke lavdëruar Zotin me zemrën tuaj,

8.2 – Manifestimi i dytë

- Kur të jesh transformuar nga brenda, ti do të kesh një këngë të re; një melodi do të burojë që nga zemra jote.

8.3 – Manifestimi i tretë

- Ti do të fillosh të japësh falenderime, qëndrimi yt do të ndryshojë, sepse ti e di se çdo gjë e mirë vjen nga Ai.

8.4 – Manifestimi i katërt

- Ti do të bëhesh një shërbëtor; zemra jote do të mësojë të ndihmojë njerëzit.

8.5 – “Çdo gjë” fillon me shpëtimin

- Si e merr ti Frymën e Shenjtë? Ai është aty me ty, në momentin kur **ti rilind sërish, sepse Ai e bën kthimin në besim.**



1.07- Fryma e Shenjtë – Personi i tretë i Hyjnisë

Titi 3:5-7

⁵ ai na shpëtoi jo me anë të veprave të drejta që ne bëmë, por sipas mëshirës së tij, **me anë të larjes së rilindjes dhe të ripërtëritjes së Frymës së Shenjtë**, ⁶ të cilën e derdhi me mbushëlli mbi ne, me anë të Jezu Krishtit, shpëtimtarit tonë, ⁷ që ne, të shfajësuar me anë të hirit të tij, të bëhemi trashëgimtarë të jetës së përvetshme, sipas shpresës që kemi.

- Kur ne jemi mbushur, ne **marrim një gjuhë lutjeje që quhet e folur në gjuhë të panjohura**; kjo është një shenjë që ti je i mbushur me Frymën.
- Bibla thotë që ne jemi në gjendje të **jemi të mbushur me Frymën, që do të thotë vazhdimisht..**
- Të flasësh në gjuhë të panjohura është vetëm një nga dhuntitë që Fryma e Shenjtë na jep, por **nuk janë dhuntitë që janë të rëndësishme, por Dhuruesi i tyre.**

Rom. 11:29

²⁹ sepse dhuntitë dhe thirrja e Perëndisë janë të pakthyeshme.

- Dhuntitë nuk do të largohen kurrë, **por fuqia e Dhuruesit mund të tërhiqet** në rast se e lë pas dore dhe e trishton Dhuruesin.

9. Dorëzimi

Vetëm dorëzimi i plotë ndaj Frymës së Shenjtë do të të sjellë në pozicionin e duhur përpara Perëndisë.

- Vetëm dorëzimi total mund të sjellë afrim të plotë.
- Prodhon dashuri dhe aftësi për të kuptuar.
- Në momentin që ti i dorëzohesh Zotit, Ai do të të mbushë me Frymën e Tij.
- Dorëzimi i plotë sjell mbushje të plotë dhe nënshtrim i plotë sjell një marrëdhënie të plotë.
- **Tamam si një marrëdhënie në martesë, ti duhet të punosh me të çdo ditë.**

2 Kor. 4:16 (Të shikosh të padukshmen)

¹⁶ Prandaj nuk na lëshon zemra; por, edhe pse njeriu ynë i jashtëm shkon në shkatërrim, ai i brendshëm përtërihet nga dita në ditë.

- Dorëzimi duhet të jetë një dorëzim i vazhdueshëm dhe i pandalshëm i vetes tënde ndaj Zotit dhe atëherë ti do të përjetosh një unitet të përkryer, bashkësi, aftësi për të kuptuar dhe dashuri.
- Relaksohu dhe thjesht merre Atë.
- Kur ti je **vazhdimisht i mbushur nga Fryma e Perëndisë** lutja jote do të ndryshojë dhe do të bëhet e freskët, ashtu si Fryma do të të drejtojë.

10. Hyrja e Tij madhështore

Mundimet tona mbarojnë dhe jeta jonë e krishterë bëhet më e thjeshtë **nëpërmjet një marrëdhënie personale** me Frymën e Shenjtë – **Ai është Ai që na ndihmon në betejat tona.**

Nëmomentin kur Fryma e Shenjtë është pjesë e jetës tënde:

- Perëndia fillon të shikojë në drejtimin tënd.
- Fytyra e Tij do të fillojë të shkëlqejë mbi ty, do të të japë favorin e Tij.

10.1. – Ardhja e Frymës së Shenjtë.

Veprat 2:1-4 (Ardhja e Frymës së Shenjtë)

¹ Kur erdhi dita e Rrëshajëve, ata ishin të gjithë bashkë, në një mendje të vetme, në të njëjtin vend. ² Dhe befaz nga qielli erdhi një ushtrimë, si ajo e një ere që fryn furishëm, dhe e mbushi gjithë shtëpinë ku ata po rrinin. ³ Dhe atyre u dukën gjuhë, si prej zjarri, të cilat ndaheshin dhe zinin vend mbi secilin prej tyre. ⁴ **Kështu të gjithë u mbushën me Frymën e Shenjtë dhe filluan të flasin në gjuhë të tjera, ashtu si Fryma e Shenjtë ua jepte të shpreheshin.**



1.07- Fryma e Shenjtë – Personi i tretë i Hyjnisë

10.2. – Njerëzit u transformuan nga Fryma e Shenjtë.

1 Thes. 1:5

⁵ sepse ungjilli ynë nuk erdhi deri te ju vetëm me fjalë, por edhe me fuqi dhe me Frymë të Shenjtë, dhe me shumë bindje; ju e dini se si jemi sjellë në mes tuaj për hirin tuaj.

10.3. – Njerëzit morën fuqi.

- Fryma e Shenjtë u jep autoritet të jashtëzakonshëm atyre që e kanë marrë Atë.

Veprat 3:1-8 (Një i çalë shërohet)

¹ Por Pjetri dhe Gjoni po ngjiteshin bashkë për në tempull, rreth orës së nëntë, në orën e lutjes. ² Dhe aty ishte një njeri i çalë që prej lindjes, të cilin e sillnin çdo ditë dhe e linin afër derës së tempullit, e të quajtur "E bukura", për t'u kërkuar lëmoshë atyre që hynin në tempull. ³ Ai, kur pa se Pjetri dhe Gjoni po hynin në tempull, u kërkoi lëmoshë. ⁴ Atëherë Pjetri, me Gjonin, duke i ngulur sytë mbi të, i tha: "Na shiko". ⁵ Dhe ai po i shikonte me kujdes, duke shpresuar se do të merrte ndonjë gjë prej tyre. ⁶ Por Pjetri tha: "Unë nuk kam as argjend, as ar, por atë që kam po ta jap: në emër të Jezu Krishtit Nazarenas, çohu dhe ec!". ⁷ Dhe, si e kapi nga dora e djathtë, e ngriti në këmbë; dhe në atë çast iu forcuan këmbët dhe nyjet. ⁸ Dhe me një të hovur u ngriti në këmbë dhe filloi të ecë; dhe hyri me ta në tempull, duke ecur, duke u hedhur dhe duke lavdëruar Perëndinë.

11. Të tërhequr në bashkësi

Kur i takojmë njerëzit mësojmë më shumë për ta, më shumë se sa përmes një letre apo bisede telefonike.

- Ndërsa fillon ta njohësh Atë, ti do të kuptosh çfarë e kënaq Atë, çfarë i pëlqen dhe çfarë nuk i pëlqen, çfarë e bën të lumtur dhe çfarë e nevrikos.
- Ti do të njohësh vetë autorin e Biblës.
- Ndërsa kalon kohë në praninë e Tij ti do të transformohesh në ngjashmërinë e Tij dhe vajosja e Tij do të rritet dhe do të ndikojë edhe njerëzit rreth e rrotull teje.

Kush është Fryma e Shenjtë?

- Ai është fuqia e Hyjnisë, fuqia e trinitetit mbi tokë që nga fillimi i kohërave!
- **Shënim:** nuk ka asnjë qenie njerëzore mbi tokë që është një "zëvendësues" brenda "kishës" për Perëndinë apo Jezus Krishtit, përveç personit të Frymës së Shenjtë dhe Ai ndjek vullnetin e Atit dhe vetëm Fjalën e shkruar të Perëndisë.
- **Shënim:** Ka shumë "drejtues" në "kishë" në denominacione të ndryshme, por nuk ka njeri zëvendësues mbi tokë që të zëvendësojë apo të përfaqësojë Frymën e Shenjtë. Këta drejtues përfaqësojnë vetëm drejtuesit e denominacionit ku ata janë pjesë.

12. Të kuptosh qënien trinitet

Shembulli 1:

Një kub akulli mbi një pllakë të nxehtë – (3 por 1)

Akulli – Ati

Uji – Biri

Avulli – Fryma e Shenjtë

Shembulli 2:

Dielli në qiell – (3 por 1)

Dielli – Ati.

Drita – Biri.

Nxehtësia – Fryma e Shenjtë.



1.07- Fryma e Shenjtë – Personi i tretë i Hyjnisë

Cila është detyra e Tij?

- Të manifestojë urdhërimet e Atit përmes emrit të Jezusit.
- Perëndia Atë jep *urdhërin!*
- Perëndia Bir e *përmbush* urdhërin e Atit!
- Perëndia Frymë e Shenjtë e *realizon!*

Shembulli 3:

Ndezja e dritës.

- **Urdhëri** – ndize çelësin e dritës.
- **Përmbushësi** – shkon tek çelësi i dritës dhe e ndez.
- **Realizuesi** – ndriçon.

13. Në jetën tonë të lutjes

Ne nuk i sjellim *kërkesa lutjesh* Atij apo peticione, duke qenë se jemi në një marrëdhënie miqësie me Frymën e Shenjtë.

Shembull:

- Një kërkesë – të lutem, më jep për të ngrënë.
- Një marrëdhënie miqësie – si je ti sot? Le të hamë drekë bashkë.

Me anë të marrëdhënies miqësore, Fryma e Shenjtë na ndihmon t'i lutemi Atit.

Rom. 8:26-29

²⁶ *Kështu, pra, edhe Fryma na ndihmon në dobësitë tona, sepse ne nuk dimë çfarë të kërkojmë në lutjet tona, sikurse duhet; por vetë Fryma ndërhyr për ne me psherëtimë të patregueshme.* ²⁷ *Dhe ai që heton zemrat e di cila është mendja e Frymës, sepse ai ndërhyr për shenjtoret, sipas Perëndisë.* ²⁸ *Dhe ne e dimë se të gjitha gjëra bashkëveprojnë për të mirë për ata që e duan Perëndinë, për ata që janë të thirrur sipas qëllimit të tij.* ²⁹ *Sepse ata që ai i ka njohur që më parë, edhe i ka paracaktuar që të jenë të ngjashëm me shëmbëlltyrën e Birit të tij, kështu që ai të jetë i parëlinduri në mes të shumë vëllezërve.*

- Në **Dhjatën e Vjetër** Moisiu *shkoi tek Ati,*
- Në **Dhjatën e Re** dishepujt *shkuan tek Biri (Jezusi),*
- **Sot** ne *shkojmë* tek personi i **Frymës së Shenjtë.**

14. Në praninë e Tij

Duke kërkuar bashkësi me Të, ti do të zbulosh atë që zbuluan të gjithë gratë dhe burrat e mëdhenj të Perëndisë – **që Fryma e Shenjtë është Ai që i realizon gjërat dhe thotë se çfarë duhet të bësh, dhe ndërsa i bindemi Atij, fuqia e Tij manifestohet.**

14.1. – 3 gjëra do të të ndodhin:

1. Fjala e Perëndisë së gjallë kthehet në jetë absolute për ty, **Ai të merr ty brenda Shkrimeve** kështu që ato bëhen reale për ty.
2. Jeta jote e lutjes ndryshon **nga një monolog, në një dialog** midis teje dhe Frymës së Shenjtë.
3. **Jeta jote e përditshme si i krishterë do të ndryshojë** – ti do të bëhesh i lumtur.
4. **Ai do të të marrë në të mbinatyrshtmen**, dashuria për njerëzit do të rritet (Rom. 5:5) dhe instiktet e tua natyrale zëvendësohen nga drejtimi i Frymës së Shenjtë (Rom. 8:13-14).

14.2. – Si drejtohesh ti nga Fryma e Shenjtë?

- **Ti familjarizohesh me zërin e Tij** – ti e dallon dhe reagon ndaj zërit të Tij.
- **Sa më shumë bashkësi, aq më e thellë bëhet marrëdhënia.**
- Fryma e Shenjtë **merr Zërin e Atit** (Gjon. 12:28-29; Mat. 17:5) dhe bën që ti ta dëgjosh.
- Ne **kemi zgjedhjen, ose të ndjekim zërin** e botës (mishin tonë) ose të ndjekim zërin e Frymës.
- **Fryma e Shenjtë është një dëshmitar që i konfirmon** (Vep. 5:32; Rom. 8:16) frymës tonë (ndërgjegjes Rom. 9:1), që diçka është e vërtetë apo jo.



1.07- Fryma e Shenjtë – Personi i tretë i Hyjnisë

15. Bashkësi me Frymën e Shenjtë

Çfarë do të thotë Shkrimi kur flet për “bashkësi”.

Pika që duhen konsideruar:

1. **Prani** – Ati do që prania e ëmbël e Frymës së Shenjtë të jetë me ty.
2. **Bashkësi** – ti nuk ke nevojë t’i lutesh Atij (Frymës së Shenjtë), ti thjesht ke bashkësi me Të.
3. **Të ndani së bashku** – ti i hap zemrën tënde Atij, Ai të hap zemrën e Tij ty, ti ndan gëzimin tënd me Të dhe Ai ndan gëzimin e Tij me ty.
4. **Pjesëmarrje** – Ai bëhet partneri yt dhe punon me ty.
5. **Marrëdhënie e ngushtë** – Rom. 5:5, ne do ta njohim dashurinë e Perëndisë vetëm kur të njohim Frymën e Shenjtë.
6. **Miqësi** – Ai dëshiron të jetë miku yt, dikush me të cilin mund të ndash sekretet më të thella të zemrës tënde.
7. **Shoqëri** – Ai është komandanti, dhe duhet ta lejosh që të drejtojë çështjet e tua private.

16. Hap vend për Frymën e Shenjtë në jetën tënde si i krishterë!

Ndërsa hap vend në jetën tënde, ti do të zbulosh që Fryma e Shenjtë do të bëhet miku yt, shoku yt dhe këshilluesi yt.

- Ai do të na tregojë ne gjërat që Perëndia na i ka dhënë.

1 Kor. 2:12

¹² Dhe ne nuk kemi marrë frymën e botës, por Frymën që vjen nga Perëndia, që të njohim gjërat që na janë dhuruar falas nga Perëndia.

- Ai do që të ketë bashkësi me ne.

2 Kor.13:13

¹³ Hiri i Zotit Jezu Krisht, dashuria e Perëndisë dhe bashkësia e Frymës së Shenjtë qofshin me ju të gjithë. Amen.

- Ai do të të tregojë *se si të jetosh në jetë me fuqinë e Frymës dhe jo me forcën tënde.*

Zak. 4:6

⁶ Atëherë ai, duke u përgjigjur, më tha: "Kjo është fjala e Zotit drejtuar Zorobabelit: Jo për fuqinë dhe as për forcën, por për Frymën time", thotë Zoti i ushtrive

A je gati të takohesh me Frymën e Shenjtë në marrëdhënie të ngushtë dhe personale? A do të dëgjosh zërin e Tij? A je gati ta njohësh Atë si një person? Atëherë thjesht ftoje Atë duke i kërkuar të vijë në jetën tënde, që ti të mbushesh me Frymën e Tij.

JEZUSI ËSHTË ZOT!